

Održan zajednički sastanak ministara unutrašnjih poslova

02.06.2011 13:07



Ministar unutrašnjih poslova Tuzlanskog kantona Bego Gutić, prisustvovao je redovnom radnom sastanku kantonalnih ministara unutrašnjih poslova Federacije BiH, koji je održan 30.05.2011.godine u Travniku.

Tema navedenog sastanka bila je izrada prijedloga Nacrta Zakona o unutrašnjim poslovima i Zakona o policijskim službenicima Federacije Bosne i Hercegovine.

Ovom prilikom, učesnici sastanka su, između ostalog, dogovorili da 02. i 03.06.2011.godine radna grupa u Sarajevu, definiše konačne prijedloge Prednacrtu Zakona o unutrašnjim poslovima Federacije BiH.

Takođe je na kraju sastanka, zaključeno da će MUP TK-a biti domaćin sljedećem zajedničkom sastanku, koji će najvjerojatnije biti održan krajem juna tekuće godine, za kada je planirana prezentacija Nacrta Zakona o unutrašnjim poslovima, s ciljem usaglašavanja u vezi donošenja jedinstvenog Zakona o unutrašnjim poslovima Federacije Bosne i Hercegovine.

Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>